



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH”, br. 34/03 i 65/13), čl. 25. i 47. Zakona o pravobranilaštvu Unsko-sanskog kantona (“Službeni glasnik USK-a”, broj 20/04 i 8/17), člana 40. Statuta općine Ključ - Prečišćeni tekst (“Službeni glasnik općine Ključ”, br.3/10 i 3/11) i Odluke o osnivanju Općinskog pravobranilaštva (“Službeni glasnik općine Ključ”, broj: 1/98), Općinski načelnik općine Ključ, objavljuje

JAVNI KONKURS ZA IZBOR OPĆINSKOG PRAVOBRANIOCA OPĆINE KLJUČ

I. NAZIV POZICIJE

Općinski pravobranilac -1 (jedan) izvršilac

II. OPIS POSLOVA

Općinski pravobranilac obavlja poslove pravnog savjetovanja i zakonskog zastupanja Općine, pred sudovima i drugim nadležnim organima, te poslove pravne zaštite imovine i imovinskih interesa Općine, njenih organa, drugih državnih organa, ustanova i fondova koji imaju svojstvo pravnog lica, a finansiraju iz budžeta Općine i u odnosu na njih Općina vrši osnivačka prava. Obavlja poslove pravne zaštite imovine i imovinskih interesa javnih preduzeća i drugih pravnih lica koje po zakonu osniva Općina, ako je to aktom o osnivanju predviđeno. Daje pravna mišljenja u postupku donošenja opštih akata i drugih propisa kojima se uređuju imovinsko-pravni odnosi, kao i druge poslove iz nadležnosti Općinskog pravobranilašta u skladu sa zakonom.

III. Kandidat za Općinskog pravobranioaca mora ispunjavati sljedeće opće i oposebne uslove:

1. Opći uslovi:

- da je državljanin Bosne i Hercegovine,
- da je stariji od 18 godina,
- da je zdravstveno sposoban,
- da se protiv njega ne vodi krivični postupak,
- da nije osuđivan za krivično djelo ili privredni prestup,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- da se na njega ne odnosi član IX. 1. Ustava Bosne i Hercegovine,
- da nije član, niti obavlja poslove u organima političke partije, političkim udruženjima ili fondacijama koje su povezane sa političkom strankom, niti može biti uključen u bilo kakvu političku ili stranačku aktivnost.

2. Posebni uslovi:

- da ima završenu VSS, VII stepen pravne struke ili diplomu visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja-pravne struke,
- da ima položen pravosudni ispit
- da ima najmanje 4 (četiri) godine iskustva u radu na pravnim poslovima u pravobranilaštvu, pravosudnim organima i drugim državnim organima, preduzećima (društvima) i drugim pravnim licima,

IV. Općinski pravobranilac se imenuje na period od četiri godine sa mogućnošću ponovnog imenovanja.

V. Uz prijavu na konkurs kandidati su obavezni priložiti sljedeću dokumentaciju (original ili ovjerene fotokopije):

1. Kraću biografiju sa adresom i kontakt telefonom,
2. Uvjerenje o državljanstvu
3. Izvod iz matične knjige rođenih,
4. Dokaz o stručnoj spremi,
5. Uvjerenje o položenom pravosudnom ispitu,
6. Uvjerenje/dokaz o radnom iskustvu na pravnim poslovima,
7. Uvjerenje da se protiv kandidata ne vodi krivični postupak
8. Uvjerenje da kandidat nije osuđivan na krivično djelo ili privredni prestup,
9. Svojeručno potpisanu i od nadležnog organa ovjerenu izjavu:
 - da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
 - da se na njega ne odnosi član IX. 1. Ustava Bosne i Hercegovine,
 - da nije član, niti obavlja poslove u organima političke partije, političkim udruženjima ili fondacijama koje su povezane sa političkom strankom, niti može biti uključen u bilo kakvu političku ili stranačku aktivnost.

VI. Ovaj Javni konkurs objavit će se u "Službenim novinama Federacije BiH", dnevnom listu "Oslobođenje", web stranici općine Ključ, u program "Radio Ključ" i na oglasnim pločama općine Ključ.

Krajnji rok za podnošenje prijave je 15 (petnaest) dana od dana objavljivanja ovog Javnog konkursa u "Službenim novinama Federacije BiH".

VII. Prijave sa traženom dokumentacijom podnose se u zatvorenoj koverti sa naznakom "**Javni konkurs za izbor Općinskog pravobranioca**" - **NE OTVARAJ**, lično putem Službe za podršku upravi općine Ključ ili šalju poštom preporučeno na adresu:

OPĆINA KLJUČ
Komisija za izbor Općinskog pravobranioca
u. Branilaca BiH br. 78.

Nepotpune i neblagovremene prijave neće se uzimati u razmatranje.

VIII. Kandidati koji uđu u uži izbor bit će pozvani na intervju koji će obaviti Komisija za izbor Općinskog pravobranioca.

IX. Kandidat koji bude imenovan obavezan je dostaviti uvjerenje o zdravstvenoj sposobnosti za obavljanje posla u roku od osam dana od dana imenovanja.

Broj: 06-49-2266/17
Ključ, 08.11.2017.godine

OPĆINSKI NAČELNIK
Nedžad Zukanović, prof